

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁ**

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2019/100, 29.11.2019թ.

Բողոք բերող անձ՝ «Եվրոֆարմ» ՍՊԸ

Պատվիրատու՝ ՀՀ պաշտպանության նախարարություն

Գնման ընթացակարգի ծածկագիրը՝ «ՀՀ ՊՆ ՆՏԱԴ-ԳՀԱՊՁԲ-20-9/4» գնանշման
հարցում

Գնման առարկան՝ Դեղորայքի ձեռքբերում

Բողոքի պահանջը՝ Պարտավորեցնել «ՀՀ ՊՆ ՆՏԱԴ-ԳՀԱՊՁԲ-20-9/4» ծածկագրով ընթացակարգի գնահատող հանձնաժողովին անվավեր ճանաչել ՀՀ ՊՆ կարիքների համար «Դեղորայք» ձեռքբերման նպատակով կազմակերպված «ՀՀ ՊՆ ՆՏԱԴ-ԳՀԱՊՁԲ-20-9/4» ծածկագրով գնման ընթացակարգով 28.10.2019թ. ժամը 11:00-ին, Գնահատող հանձնաժողովի նիստի թիվ 3 արձանագրության 4.1-րդ կետով 9-րդ 15-րդ չափաբաժիններով «Լիկվոր» ՓԲԸ-ին հաղթող ճանաչելու մասին որոշումը, Արձանագրության 3.4 կետը 15-րդ չավաբաժնի մասով չկայացած ճանաչելու և գնման առարկայի 9-րդ և 15-րդ չափաբաժինների մասով առաջին տեղ զբաղեցրած մասնակից ճանաչել «Եվրոֆարմ» ՍՊԸ-ին:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ.ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին

Բողոքարկը՝ <<Եվրոֆարմ>> ՍՊԸ

ՀՎՀՀ 02563667

Իրավաբանական անձի գրանցման համար 286.110.04623

գրանցված 28.06.2002թ.

Հասցե՝ ՀՀ, ք. Երևան, Ամիրջյան փող., 18 շ., բն. 1ա

Ներկայացուցիչ՝ Միքայել Ավետիսյան

/անձն. AN 0746270 տրվ. 09.12.2013թ. 003-ի կողմից/

Օանուցման հասցե՝ ՀՀ, ք. Երևան, Վաղարշյան 12 շ., 5-րդ հարկ, 2 սենյակ

Հեռ. /094/ 21 69 92

Էլեկտրոնային փոստ՝ avetisyan-miqael@mail.ru

Պատվիրատու՝ ՀՀ պաշտպանության նախարարություն,

ք. Երևան, Բազրևանդի 5

գնման ծածկագիր՝ ՀՀ ՊՆ ՆՏԱԴ-ԳՀԱՊՁԲ-20-9/4

առարկա՝ ՀՀ ՊՆ կարիքների համար <<Ղեղորայքի>> ձեռքբերման նպատակով

կազմակերպված <<ՀՀ ՊՆ ՆՏԱԴ-ԳՀԱՊՁԲ-20-9/4>> ծածկագրով հայտարարված

ընթացակարգ

ՀՀ ԳՆԱՆՆԱԿՆԵՐԻ ՆԱԽԱՐԱՐՈՒԹՅԱՆ
 ԱՇԽԱՏԱՎԱԿԱԶՄԱԿԵՐՊՎԱԾ
 ՄՅՈՑ N Մ-53133-13
 5 «26» 11 2019.

ԲՈՂՈՔ

ՀՀ ՊՆ ՆՏԱԴ-ԳՀԱՊՁԲ-20-9/4 ծածկագրով գնանշման հարցման հանձնաժողովի 2019թ. հոկտեմբերի 16-ի N 1 որոշմամբ հրապարակված հրավերին մասնակցության հայտ է ներկայացրել նաև «Եվրոֆարմ» ՍՊԸ-ն:

28.10.2019թ. ժամը 11:00-ին, ՀՀ ՊՆ ՆՏԱԴ ԳՓՁ վարչության նիստերի դահլիճում (ք. Երևան, Բազրևանդի 5) տեղի ունեցած Գնահատող հանձնաժողովի նիստի թիվ 3 արձանագրության 4.1-րդ կետի համաձայն և ըստ Հավելված թիվ 1-ի՝ հիմք ընդունելով մասնակցի կողմից ներկայացված գնային առաջարկը հանձնաժողովը որոշել է 9-րդ և 15-րդ չափաբաժինների մասով 1-ին տեղը զբաղեցրած մասնակից ճանաչել «Լիկվոր» ՓԲԸ-ն:

Գնման առարկայի 9-րդ չափաբաժնում ընդգրկված <<Ցիպրոֆլոքսացին (ցիպրոֆլոքսացինի հիդրոքլորիդ)>> / դեղաձև՝ Լուծույթ կաթիլաներարկման/ դեղորայքի համար պլանավորած նախահաշվային գին է սահմանվել 592.750 ՀՀ դրամ: Վերոնշյալ գնման առարկայի համար ներկայացվել են հետևյալ գնային առաջարկները.

1. <<Եվրոֆարմ>> ՍՊԸ- 592.500 ՀՀ դրամ՝ ներառյալ ԱԱՀ,
2. <<Արֆարմացիա>> ՓԲԸ-775.000 ՀՀ դրամ՝ ներառյալ ԱԱՀ,
3. <<Լիկվոր>> ՓԲԸ- 894.000 ՀՀ դրամ՝ ներառյալ ԱԱՀ,
4. <<Ալիդա Թրեյդ>> ՍՊԸ-1.750.000 ՀՀ դրամ՝ ներառյալ ԱԱՀ:

Գնման առարկայի 15-րդ չափաբաժնում ընդգրկված <<Մօքսիֆլոքսացին (մօքսիֆլոքսացինի)>>/ դեղաձև՝ Լուծույթ կաթիլաներարկման/ դեղորայքի համար

պլանավորած նախահաշվային գին է սահմանվել 4.800.000 ՀՀ դրամ: Վերոնշյալ գնման առարկայի համար ներկայացվել են հետևյալ գնային առաջարկները.

1. <<Եվրոֆարմ>> ՍՊԸ- 1.760.000 ՀՀ դրամ՝ ներառյալ ԱԱՀ,
2. <<Լիկվոր>> ՓԲԸ-2.133.600 ՀՀ դրամ՝ ներառյալ ԱԱՀ,
3. <<Արֆարմացիա>> ՓԲԸ- 2.400.000 ՀՀ դրամ՝ ներառյալ ԱԱՀ:

Թիվ 3 արձանագրության 3.3 կետի համաձայն՝ <<ՀՀ ՊՆ ՆՏԱԴ-ԳՀԱՊՁԲ-20-9/4>> ծածկագրով ընթացակարգն իրականացվում է <<Գնումների մասին>> ՀՀ օրենքի 15-րդ հոդվածի 6-րդ մասի հիման վրա և բացի այդ, ընթացակարգի 3-րդ, 4-րդ, 7-րդ, 9-րդ, 20-րդ, 23-րդ, 24-րդ, 27-րդ, 28-րդ, 30-րդ, 31-րդ, 34-րդ, 35-րդ, 36-րդ, 37-րդ, 43-րդ, 43-րդ, 44-րդ, 48-րդ, 52-րդ, 56-րդ, 64-րդ, 68-րդ և 73-րդ չափաբաժինների մասով մասնակիցների կողմից առաջարկված գները գերազանցում են տվյալ գնման համար պատվիրատուի պլանավորած նախահաշվային գինը,, ուստի գնահատող հանձնաժողովը հիմք ընդունելով ՀՀ կառավարության 04.05.2017թ. թիվ 526-Ն որոշմամբ հաստատված <<Գնումների գործընթացի կազմակերպման>> կարգի 40-րդ կետի 5-րդ ենթակետի և ընթացակարգի հրավերի 7.6 և 7.7 կետերի պահանջները, գնահատող հանձնաժողովը **30.10.2019թ.-ին** որոշեց կասեցնել հայտերի բացման նիստը որոշեց գների նվազեցման նպատակով **08.11.2019թ. ժամը 11:50-ին** ՀՀ ՊՆ ՆՏԱԴ ԳՓՁ վարչության նիստերի դահլիճում (ք. Երևան, Բազրևանդի 5) բավարար գնահատված և տվյալ չափաբաժինների մասով գնային առաջարկ ներկայացրած բոլոր մասնակիցների հետ (.....<<Եվրոֆարմ>> ՍՊԸ, <<Լիկվոր>> ՓԲԸ....) կազմակերպել միաժամանակյա բանակցություններ և նիստը շարունակել այդ օրը:

Գնահատող հանձնաժողովի քարտուղարը նույն օրը նշված մասնակիցներին էլեկտրոնային ձևով միաժամանակ ծանուցեց նշված բանակցությունների վարման օրվա, ժամի և վայրի մասին:

08.11.2019թ., ժամը 11:50-ի կայացած նիստում հանձնաժողովն արձանագրեց, որ սահմանված ժամկետին կազմակերպված բանակցություններին մասնակցելու համար ծանուցված մասնակիցներից ներկայացել էին <<Աիդա Թրեյդ>>, <<Թեոֆարմա Իմպորտ>> ՍՊԸ-ների տնօրենները և <<Լիկվոր>> ՓԲԸ-ի, <<Ռիխտեր-Լամբրոն>>, <<Թուֆէնկեթի Գրուպ>> ՀՀ ՍՊԸ-ների տնօրենների կողմից լիազորված անձիք:

Անցկացված բանակցությունների արդյունքում՝

....

<<Լիկվոր>> ՓԲԸ-ի ներկայացուցիչը, համաձայնվեց նվազեցնել ներքոհիշյալ չափաբաժինների գները.

9-րդ չափաբաժնի ընդամենը գինը 894.000 /ներառյալ ԱԱՀ-ն/, սահմանելով՝ 555.000 /ներառյալ ԱԱՀ-ն/ ՀՀ դրամ,

15-րդ չափաբաժնի ընդամենը գինը 2.133.600 /ներառյալ ԱԱՀ-ն/, սահմանելով՝ 1.368.000 /ներառյալ ԱԱՀ-ն/ ՀՀ դրամ,

...:

Նույն արձանագրության 4.1 կետի համաձայն՝ 12.11.2019թ. (էլեկտրոնային գնահատման արդյունքում) <<ՀՀ ՊՆ ՆՏԱԴ-ԳՀԱՊՁԲ-20-9/4>> ծածկագրով գնանշման հարցման ընթացակարգի հանձնաժողովի որոշմամբ ներկայացված գնային առաջարկների

հիման վրա ընթացակարգի տարբեր չափաբաժիններում 1-ին տեղ զբաղեցնող ճանաչվեցին հետևյալ մասնակիցները. տես Հավելված N1:

Ըստ թիվ 1 հավելվածի՝ 9-րդ և 15-րդ չափաբաժիններում 1-ին տեղն է զբաղեցրել <<Լիկվոր>> ՓԲ ընկերությունը, համապատասխանաբար՝ 555.000 ՀՀ դրամ և 1.728.000 ՀՀ դրամ գնային առաջարկներով:

Գտնում ենք, որ Հանձնաժողովի 28.10.2019թ. ժամը 11:00-ին, Գնահատող հանձնաժողովի նիստի թիվ 3 արձանագրության 4.1-րդ կետով գնման առարկայի 9-րդ և 15-րդ չափաբաժիններով «Լիկվոր» ՓԲԸ-ին հաղթող ճանաչելու արձանագրությունն անհիմն է և ենթակա է վերացման, հետևյալ հիմնավորմամբ.

Արձանագրության 3.4 կետի համաձայն՝ հիմք ընդունելով վերը նշված հանգամանքը, հանձնաժողովը որոշեց՝....., 2-րդ, 3-րդ, 4-րդ, 6-րդ, 7-րդ, 8-րդ, 14-րդ, 15-րդ, 17-րդ,... չափաբաժինների մասով ընթացակարգը հայտարարել չկայացած՝ հիմք ընդունելով <<Գնումների մասին>> ՀՀ օրենքի 37-րդ հոդվածի 1-ին մասի 3-րդ կետը՝ (ոչ մի հայտ չի ներկայացվել):

Ընդ որում, 15-րդ չափաբաժնի մասով հայտ էին ներկայացրել մասնակիցներ <<Եվրոֆարմ>> ՍՊ ընկերությունը, <<Լիկվոր>> ՓԲ ընկերությունը և <<Արֆարմացիա>> ՓԲ ընկերությունը:

<<Գնումների մասին>> ՀՀ օրենքի 34-րդ հոդվածի 2-րդ մասի 1-ին կետի համաձայն՝ առաջին տեղը զբաղեցրած մասնակիցը որոշվում է՝ բավարար գնահատված հայտեր ներկայացրած մասնակիցների թվից՝ նվազագույն գնային առաջարկ ներկայացրած մասնակցին նախապատվություն տալու սկզբունքով:

<<Գնումների մասին>> ՀՀ օրենքի 38-րդ հոդվածի 1-ին մասի համաձայն՝ գնահատող հանձնաժողովի, պատվիրատուի և մասնակիցների միջև բանակցություններն արգելվում են, բացառությամբ՝

1) երբ մրցույթին մասնակցել է մեկ մասնակից, որի ներկայացրած հայտը համապատասխանում է հրավերի պահանջներին կամ հայտերի գնահատման արդյունքում հրավերի պահանջներին համապատասխան է գնահատվել միայն մեկ մասնակցի հայտ կամ առաջարկված նվազագույն գների հավասարության դեպքում, կամ եթե ոչ գնային պայմանները բավարարող գնահատված հայտեր ներկայացրած բոլոր մասնակիցների ներկայացրած գնային առաջարկները գերազանցում են այդ գնումը կատարելու համար նախատեսված ֆինանսական միջոցները: Սույն կետի համաձայն վարվող բանակցությունները կարող են հանգեցնել միայն առաջարկված գնի նվազեցմանը կամ վճարման պայմանների փոփոխությանը, իսկ բանակցությունները վարվում են միաժամանակյա՝ բոլոր մասնակիցների հետ.

2) սույն օրենքով նախատեսված այլ դեպքերի:

ՀՀ կառավարության 04.05.2017թ. թիվ 526-Ն որոշմամբ հաստատված <<Գնումների գործընթացի կազմակերպման>> կարգի 40-րդ կետի 5-րդ ենթակետի համաձայն՝ հանձնաժողովը հրավերի պահանջների նկատմամբ բավարար գնահատված հայտեր ներկայացրած մասնակիցներից որոշում և հայտարարում է առաջին և հաջորդաբար տեղեր զբաղեցրած մասնակիցներին: Առաջարկված նվազագույն գների հավասարության դեպքում կամ եթե ոչ գնային պայմանները բավարարող գնահատված հայտեր ներկայացրած բոլոր

մասնակիցների ներկայացրած գնային առաջարկները գերազանցում են տվյալ ընթացակարգի շրջանակում գնվելիք ապրանքների, աշխատանքների կամ ծառայությունների գնման հայտով սահմանված գինը.....:

Տվյալ դեպքում «Եվրոֆարմ» ՍՊԸ-ն 9-րդ չափաբաժնի համար գնային առաջարկ է ներկայացրել, սահմանելով 592.500 ՀՀ դրամ /ներառյալ ԱԱՀ-ն/, իսկ պլանավորած նախահաշվային գինը սահմանված է եղել 592.750 ՀՀ դրամ: Իսկ 15-րդ չափաբաժնի համար գնային առաջարկ է ներկայացրել, սահմանելով 1.760.000 ՀՀ դրամ /ներառյալ ԱԱՀ-ն/, իսկ պլանավորած նախահաշվային գինը սահմանված է եղել 4.800.000 ՀՀ դրամ: Այսինքն, «Եվրոֆարմ» ՍՊԸ-ն 9-րդ և 15-րդ չափաբաժինների համար սահմանել է տվյալ ընթացակարգի շրջանակում պլանավորած նախահաշվային գնից ցածր գին, հետևաբար հանձնաժողովը իրավունք չունի քանակացելու մասնակիցների հետ՝ գնի նվազեցման նպատակով կամ չկայացած հայտարարելու, քանի որ «Եվրոֆարմ» ՍՊԸ-ն նախահաշվային գնից ցածր գին առաջարկելով ձեռք էր բերել նախապատվության իրավունք:

Բացի այդ, 08.11.2019թ. ժամը 11:50-ին բանակցությունների վարման հրավիրված նիստին «Եվրոֆարմ» ՍՊ ընկերությունը չի ծանուցվել:

Միաժամանակ թիվ 3 արձանագրությունում առկա են էական հակասություններ ու բացթողումներ, այսպես.

Արձանագրության 3.3 կետի համաձայն՝ <<ՀՀ ՊՆ ՆՏԱԴ-ԳՀԱՊԶԲ-20-9/4>> ծածկագրով ընթացակարգն իրականացվում է <<Գնումների մասին>> ՀՀ օրենքի 15-րդ հոդվածի 6-րդ մասի հիման վրա և բացի այդ, ընթացակարգի 3-րդ, 4-րդ, 7-րդ, 9-րդ, 20-րդ, 23-րդ, 24-րդ, 27-րդ, 28-րդ, 30-րդ, 31-րդ, 34-րդ, 35-րդ, 36-րդ, 37-րդ, 43-րդ, 43-րդ, 44-րդ, 48-րդ, 52-րդ, 56-րդ, 64-րդ, 68-րդ և 73-րդ չափաբաժինների մասով մասնակիցների կողմից առաջարկված գները գերազանցում են տվյալ գնման համար պատվիրատուի պլանավորած նախահաշվային գինը,, ուստի գնահատող հանձնաժողովը հիմք ընդունելով ՀՀ կառավարության 04.05.2017թ. թիվ 526-Ն որոշմամբ հաստատված <<Գնումների գործընթացի կազմակերպման>> կարգի 40-րդ կետի 5-րդ ենթակետի և ընթացակարգի հրավերի 7.6 և 7.7 կետերի պահանջները, գնահատող հանձնաժողովը 30.10.2019թ.-ին որոշեց կասեցնել հայտերի բացման նիստը որոշեց գների նվազեցման նպատակով 08.11.2019թ. ժամը 11:50-ին ՀՀ ՊՆ ՆՏԱԴ ԳՓՁ վարչության նիստերի դահլիճում (ք. Երևան, Բագրևանդի 5)բավարար գնահատված և տվյալ չափաբաժինների մասով գնային առաջարկ ներկայացրած բոլոր մասնակիցների հետ (<<Եվրոֆարմ>> ՍՊԸ, <<Լիկվոր>> ՓԲԸ...) կազմակերպել միաժամանակյա բաժանակցություններ և նիստը շարունակել այդ օրը:

Տվյալ դեպքում, 15-րդ չափաբաժինն արձանագրության 3.3 կետում չի նշվել, սակայն բանակցությունների վարման արդյունքում <<Լիկվոր>> ՓԲԸ-ի ներկայացուցչի կողմից նվազեցվել է վերոնշյալ չափաբաժնի գինը, որի արդյունքում էլ ճանաչվել է հաղթող: Ավելին՝ 15-րդ չափաբաժնով Արձանագրության 3.4 կետի համաձայն գնման ընթացակարգը հայտարարվել էր չկայացած:

Հիմք ընդունելով վերոգրյալ փաստական և իրավական հիմնավորումները և ղեկավարվելով <<Գնումների մասին>> ՀՀ օրենքի 50-րդ հոդվածով՝ խնդրում եմ պարտավորեցնել <<ՀՀ ՊՆ ՆՏԱԴ-ԳՀԱՊԶԲ-20-9/4>> ծածկագրով ընթացակարգի գնահատող հանձնաժողովին անվավեր ճանաչել՝ ՀՀ ՊՆ կարիքների համար <<Դեղորայք>>

ձեռքբերման նպատակով կազմակերպված <<ՀՀ ՊՆ ՆՏԱԴ-ԳՀԱՊԶԲ-20-9/4>> ծածկագրով գնման ընթացակարգով 28.10.2019թ. ժամը 11:00-ին, Գնահատող հանձնաժողովի նիստի թիվ 3 արձանագրության 4.1-րդ կետով 9-րդ 15-րդ չափաբաժիններով «Լիկվոր» ՓԲԸ-ին հաղթող ճանաչելու մասին որոշումը, Արձանագրության 3.4 կետը 15-րդ չափաբաժնի մասով չկայացած ճանաչելու և գնման առարկայի 9-րդ և 15-րդ չափաբաժինների մասով առաջին տեղ զբաղեցրած մասնակից ճանաչել<<Եվրոֆարմ>> ՍՊԸ-ին:

Միաժամանակ խնդրում եմ բողոքը բավարարելու դեպքում բողոքարկման վարձը փոխանցել <<Եվրոֆարմ>> ՍՊԸ-ի <<Հայէկոնոմբանկ>> ՓԲԸ-ի 1630081599603312 հաշվեհամարին:

Կից ներկայացվում են՝

1. <<Եվրոֆարմ>> ՍՊԸ-ի պետական գրանցման վկայականի պատճենը,
2. Բողոքարկման վճարը կատարած լինելը հիմնավորող փաստաթղթի բնօրինակը,
3. Լիազորագրի բնօրինակը, արտոնագրի և անձնագրի պատճենները,
4. 28.10.2019թ.-ի Գնահատող հանձնաժողովի նիստի թիվ 3 արձանագրության պատճենը:

<<Եվրոֆարմ>> ՍՊԸ-ի

ներկայացուցիչ՝

26.11.2019թ.



Մ. Ավետիսյան